

Ordinaziun davart l'applicaziun da l'informatica en l'administraziun chantunala dal Grischun (ordinaziun d'informatica, OInf)

sa basond sin l'art. 43 da la constituziun chantunala ¹⁾ e sin ils art. 1 e 2 da la lescha davart l'organisaziun da la regenza e da l'administraziun ²⁾

relaschada da la regenza ils 3 da matg 2011

I. Disposiziuns generalas

Art. 1

¹ Questa ordinaziun regla ils princips da l'organisaziun, da la gestiun, da la coordinaziun e da la segirezza sco er las incumbensas e las cumpetenzas tar la planisaziun e tar l'applicaziun da l'informatica en l'administraziun chantunala. Object

² Tar l'informatica en il senn da questa ordinaziun tutgan tut las technologies d'infurmaziun, en spezial er la telecommunicaziun.

Art. 2

¹ Questa ordinaziun vala per tut ils departaments, per tut ils posts da servetsch e per tut ils manaschis da l'administraziun chantunala. Champ
d'applicaziun

² Questa ordinaziun na vegn betg applitgada per las dretgiras chantunalas e per ils instituts autonoms da dretg public dal chantun sco er areguard systems d'informatica spezials e systems tecnicos da regulaziun e da direcziun spezials, cunzunt en il sector da las vias chantunalas.

³ Medemamain exceptads èn ils meds d'informatica per l'instrucziun a las scolas chantunalas. En quest regard po la regenza concluder cundiziuns.

Art. 3

¹ L'informatica pussibilitescha in'activitad administrativa raziunala, favuravla, moderna e segira che s'orientescha als basegns da la clientella. Intent da
l'informatica

² L'informatica duai vegnir standardisada e centralisada, per ch'i saja pussaivel da realisar projects cumplessivs en ils secturs da l'informatica e dal e-government en moda economica ed a temp.

¹⁾ DG 110.100

²⁾ DG 170.300

Strategia
e directivas

Art. 4

¹ La regenza concluda la strategia d'informatica sco er las directivas d'informatica d'importanza strategica.

² Las ulteriuras directivas vegnan relaschadas da l'uffizi d'informatica.

II. Organisaziun

Art. 5

Cumissiu
d'informatica
1. cumpetenz

¹ La cumissiu d'informatica tracta tut las fatschentas d'informatica che han ina impurtanza strategica u ina impurtanza per plirs posts da servetsch e che concernan ils interess general dal chantun. Ella coordinescha l'applicaziun da las resursas chantunales d'informatica, giuditgescha dumondas da projects e fa recumandaziuns per lur realisaziun.

² La cumissiu d'informatica persequitescha il svilup en il sector da l'informatica. Ella sutta metta a temp las dumondas al departament da finanzas e vischnancas.

Art. 6

2. cumposiziun

¹ La cumissiu d'informatica vegn presidiada da la secretaria u dal secretari dal departament da finanzas e vischnancas. Sco ulteriuras commembras ed ulteriurs commembers fan mintgamai ina represchentanta u in represchentant dals auters departaments e da la chanzlia chantunala sco er la manadra u il manader da l'uffizi d'informatica part da la cumissiu.

² Ils departaments e la chanzlia chantunala nomineschan sezs lur commembra u lur commember.

³ Senza dretg da votar sa participeschan mintgamai ina represchentanta u in represchentant da la controlla da finanzas e da las dretgiras chantunales sco er la manadra u il manader da la gestiun da l'informatica a las sesidas. La cumissiu d'informatica po engaschar ulteriuras persunas cun funcziun consultativa.

Art. 7

Post da gestiun
da l'informatica

¹ Il post da gestiun da l'informatica è ina partiziun da l'uffizi d'informatica. El:

- a) prepara las fatschentas da la cumissiu d'informatica, maina ses secretariat e realisescha incumbensas e projects attribuids;
- b) fa la planisaziun strategica da l'informatica e dirigia projects d'informatica cumplessivs;
- c) coordinescha la modellaziun e la standardisaziun da las applicaziuns d'informatica e da l'infrastructura da basa. Plinavant porscha ella ses sustegn tar la realisaziun;

- d) maina – ensemen cun la persuna incumbensada per il e-government – in portfolio communabel per l'applicaziun e per projects da l'informatica per mauns da la cumissiun d'informatica;
- e) controllescha che las strategias d'informatica dals posts da servetsch correspondian a la strategia chantunala d'informatica e suttametta quellas a la cumissiun d'informatica.

² La rolla da la persuna incumbensada per la segirezza da l'informatica vegn ademplida dal post da gestiun da l'informatica.

Art. 8

¹ La persuna incumbensada per il e-government appartegna a la chanzlia chantunala.

Persuna incumbensada per il e-government

² Ella procura che la strategia dad e-government vegnia sviluppada vinavant e realisada en moda coordinada.

Art. 9

¹ Ils gestiunaris chantunals d'informatica furneschan las prestaziuns en ils secturs da l'implementaziun, da la gestiun e dal support per las unitads administrativas chantunalas.

Gestiunaris d'informatica

² L'uffizi d'informatica è il gestiunari d'informatica central dal chantun.

³ Il center da competenza dal SIG dal chantun maina l'infrastructura dal sistem d'infurmaziun geografica ed è cumpetent per la gestiun e per la visualisaziun d'infurmaziuns territorialas (geodatas). Il center da competenza dal SIG è ina partiziun da l'uffizi d'agricultura e da geoinfurmaziun.

⁴ En il rom da la protecziun dals interess generalis dal chantun pon las prestaziuns er vegnir purschidas en spezial a las dretgiras chantunalas, a las vischnancas ed a posts che stattan en ina stretga relaziun cun l'administraziun sco er a terzas personas, e quai almain per pretschs che cuvran ils custs.

Art. 10

¹ Mintga unitad administrativa dispona d'ina atgna cumpetenza minimala d'informatica, en spezial en il sector da las applicaziuns spezializadas.

Unitads administrativas

² L'administraziun chantunala dispona d'in dumber limità d'unitads administrativas cun ina gronda cumpetenza d'informatica, las qualas furneschan prestaziuns definidas a sasezzas u ad auters posts da servetsch. Ina extensiuin da talas activitads è admissibla mo cun il consentiment da la renza.

³ Sch'i sa mussa ch'i dat midadas decisivas tar las cundiziuns generalas, tar las incumbensas u tar il team d'informatica da las unitads administrativas en il senn da l'aleina 2, sto la cumissiun d'informatica examinar, sch'il manaschi d'informatica duai vegnir integrà en l'uffizi d'informatica.

⁴ Acquisiziuns novas e complementaras impurtantas da componentas d'infrastructura sco er d'applicaziuns ston vegnir motivadas dals posts da servetsch e suttamesas a la cumissiun d'informatica, sche questas acquisiziuns duain vegnir manadas dal team d'informatica dal post da servetsch.

III. Retratga da prestaziuns d'informatica ed acquisiziun centrala

Art. 11

Retratga da prestaziuns d'informatica

¹ Da princip pon prestaziuns d'informatica vegnir retratgas entaifer u ordaifer l'administraziun. Decisivs per la tscherna èn cunzunt la rentabilitad generala, la segirezza e la protecziun da datas.

² La regenza regla, tge prestaziuns ch'ils gestiunaris d'informatica ston porscher e tge prestaziuns che ston vegnir retratgas dals gestiunaris d'informatica.

Art. 12

Acquisiziun centrala

L'uffizi d'informatica è l'istanza centrala ed unica per l'acquisiziun da meds e da servetschs d'informatica. Las excepziuns vegnan regladas tras l'uffizi d'informatica.

IV. Segirezza da l'informatica e protecziun da datas

Art. 13

Protecziun

¹ Sch'il chantun è responsabel per il caracter confidenzial, per la disponibilitad, per l'integritad e per la cumprovabilitad da meds d'informatica e da datas, ston quels vegnir protegids cunter perdita e cunter abus.

² La controlla da las mesiras da protecziun è ina incumbensa permanenta da las unitads administrativas cumpetentas e dals gestiunaris d'informatica.

³ Per survegliar che las directivas davart la segirezza da l'informatica en l'administraziun chantunala vegnian observadas è cumpetenta la persuna incumbensada per la segirezza da l'informatica dal post da gestiun da l'informatica.

V. Disposiziun finala

Art. 14

Questa ordinaziun entra en vigur il 1. da zercladur 2011 e remplazza l'ordinaziun dal 1. da fanadur 2001 ¹⁾.

Aboliziun dal dretg vertent, entrada en vigur

¹⁾ CUL 2001, 2227